



Maddalen Zabaleta, Historian Lizentziatua:

“Herritarrek herriarekiko duten kontzientzia eta lotura handitzen lagundu dezake Bertako Bildumak”

Donostiarra izan arren, Ermuko historia ondo ezagutzen du Maddalen Zabaletak. Izan ere, hiru hilabete igaro ditu herriko Udal Liburutegian lanean Lehen Aukera bekari esker, Bertako Bilduma handitzeko ikerketa lanetan eta horri zabalkundea emateko ahaleginetan. Hori gutxi balitz, urrian burutu zen bisita gidatuen programaren arduraduna izan da. Historian lizentziatu zen duela bi urte eta Bigarren Hezkuntzako Irakaskuntza Masterra egin du, gainera Eraikitako Ondarearen eta Eraikinen Birgaitze, Zaharberritze eta Kudeaketa Masterrean dihardu egun buru-belarri.

- Ermuko Udal Liburutegiak kudeatzen duen Bertako Bilduman aritu zara lanean. Zein izan da zure zeregina bertan?

Bertako Bilduma zabal-tzen laguntzea, horretarako beharrezkoak izan diren ikerketa eta bilketak eginenez. Hau da, Ermuko historia eta ondarearen bilaketa, bilketa, eta ondoren zabal-kundea egitea. Izan ere, Bertako Bilduma behar batetik jaio zen: duela urte batzuk, Ermuko herritarrek ez zekiten nora jo Ermuko historia edo ondareari buruz informazioa behar zutenean, eta behar horri erantzuteko, proiektu hau abian jartzea erabaki zuen Udalak, eta Liburutegiari eman zion horren ardura.

- Proiektu itxia da edo etengabe elikatzen da?

Ez da batere proiektu itxia, ondarea eta historia ez diren moduan. Gauza asko barne hartzen ditu: batzuk historikoak dira, herriko ohiturak erakusten dituzten argazki zaharrak, edo herriko labaderoiei buruzko informazioa, esaterako. Baina baita gaur egungoak ere, Ermuak daukan ondarea natura arloan esaterako, edo musika arloan... Oso zabala da, eta zabala denez, autoelikatu egiten da nolabait, eta inoiz ez da amaitzen. Helburua da, herritarrei beraien herriari buruzko informazioa eskura

jartzea, bilketa lanetarako, aldi berean, beraien laguntza erabiliz. Oso proiektu interesgarria dela iruditzen zait, eta herritarrek herriarekiko duten kontzientzia, bai historikoa bai gaur egungoa, eta ondorioz herriarekiko duten lotura, handitzen lagundu dezakeena.

- Bildumari ekarpenik egiteko aukera izan duzu?

Hiru hilabetek gauza asko egiteko ematen dute, eta aldi berean, ez dira nahikoa. Arlo desberdin askotan jardun dut, baina burutu ditudan artean gehien gustatu zaizkidanak aipatu beharko banituzke, honako hauek lirateke: batetik, atal berri bat ireki dugu, Ermua prentsa historikoan deitu duguna. Bertan, batez ere Bigarren Errepublikaren garaiko hainbat egunkari ale bildu ditugu, garaiko eguneroko bizitzari buruz informazio ugari ematen digutenak. Oso interesgarria da gertaerak beraien ikuspuntutik irakurtzea, zeri ematen zioten garrantzia ikustea... Atal honek gauza asko egiteko eman dezake, bildutako berri historikoak gutxi baitira oraingoz. Gustatu zaidan beste proiektutxo bat labaderoena izan da. Orain dela ez hainbestera arte horren garrantzitsuak izan ziren elementu horiei buruzko oinarritzko informazioa bildu dugu, eta herriko emakume batek horiei buruz eskaintako infor-



mazioa ere bai, eta web orrian jarri. Horiei buruzko informazioa ere asko zabaldu liteke, argazkiak eta testigantza berriak erabilpenari buruz bilduz. Ermuak XIX. mendean eta XX. mende hasieran izandako pilotari garrantzitsuei buruzko informazioa ere bildu eta publikatu dugu. Ikus daitekeen moduan, asko dago egiteko oraindik, arlo askotan.

- Zein tresna erabili dituzu ekarpenak eduki ahal izateko?

Gaiaren arabera ezberdinak ziren tresnak, baina batez ere herritarren kolaborazioa, elkarte ezberdinena, dokumentu historikoak, liburuak...

- Lankideen laguntza ere jaso izan duzu?

Bai, eta oso garrantzitsua izan da niretzat. Azken fine-

an, Donostiakoa izanda, ez nuen herria ondo ezagutzen, eta ez nekien ondo nora jo. Beraiek gomendatu didate askotan zeinekin hitz egin gai bati buruz informazioa lortzeko, edo behar nuen elkartearekin harremanetan jartzen lagundu... Askok eskertzen diet, primeran portatu dira nirekin!

- Ermuko herritarrek, orokorrean, Bertako Bilduma proiektua ezagutzen dute-la esango zenuke?

Geroz eta ezagunagoa dela esango nuke, baina bisita gidatuak egin genituenean, konturatu nintzen oraindik jende asko dagoela proiektua ezagutzen ez duena. Izan ere, aipatutakoan jendeak harridura aurpegia jartzen zuen. Ea pixkanaka ezagunagoa izatea lortzen den!

“Ermuak naturan, musikan... daukan ondarea oso zabala da”






ZERMIK
SISTEMA ELEKTRONIKOEN GARAPENA
DESARROLLO DE SISTEMAS ELECTRONICOS
ELECTRONIC SYSTEM DEVELOPMENT

ZERMIK INGENIERIA S.L. mikrokontrolatzaile bidezko diseinu elektronikoak garatzen espezializatua dagoen ingeniari-tza-enpresa da. Horrez gain, LabVIEW-ren bitartez sistema industrialen kontrola eta monitorizazioa bideratzeko gaitasuna ere badu.

www.zermik.com

Usaetxe plaza 6-8, behea
Arrasate-Mondragon (Gipuzkoa)
Telf: 943 23 10 12

- **Beste herri batzuetan ere, horrelako bildumarik dagoen badakizu?**

Bai, eta ia beti liburutegi lotuta. Ermuaren kasuan bezala, herritarrei informazioa eskura jartzeko behar bat ikusi duten herrietan dagoela iruditzen zait. Oso tresna baliagarria da nire ustez edozein herrirentzako.

- **Nola baloratuko zenuke esperientzia?**

Oso positiboa. Askok ikasi dut ikerketa arloan eta informazio bilketan, baina ez horrenbeste artxiboetan

eta, gehiago herritarrek egin dezaketen ekarpenaren inguruan.

- **Halaber, urriaren 1etik urriaren 31ra bitartean herrian egin diren bisita gidatuen arduraduna izan zara. Zer da "bisita gidatuen" programa?**

Bekarekin lanean ari nintzela, Bizkaiko Foru Aldunditik mezua iritsi zen udal txera, ea Ondareari buruzko Europako Jardunaldietan parte hartu nahi genuen galdetuz. Jardunaldi horiek herri bakoitzeko ondarea ezagutzera emateko helbu-

"Ermua ezagutu eta birbaloratzeko aukera eman dute bisitek"

ria dute eta urtero gai batean zentratzen dira. Aurtengo gaia "Etxea" zen. Herri bakoitzeko etxe historikoak ezagutzera eman nahi ziren. Proiektua aurrera eramatea eskaini zidaten udal txetik, eta onartu egin nuen. Zegoen ondarea aztertzen hasita, herritarrei informazio hori helarazteko modurik errazena bisita gidatu bat egitea zela iruditu zitzaidan, erakusketa bat baino parte hartzaileagoa baita, eta nolabait, etxeak bertatik bertara ikustea baimentzen zuen, interesgarriagoa eginez.

- **Zein leku aipagarri daude herrian eta zergatik dira bereziak?**

Bisitak egin bitartean herrituta geratu nintzen. Ermuak ez zeukala leku berezirik uste zuten herritar askok. Leku ugari ditu bereziak, nahiz eta askotan, Ermua aipatutakoan 60. hamarkadan egindako eraikuntzak bakarrik etortzen zaizkigun burura. Etxean zentratu behar izan ginen hori zelako aurtengo gaia, eta horren barruan Lobiano,

Valdespina, Torreta, eta XIX. mendeko hainbat etxe sartu genituen beste zenbaiten artean. Baina horiez gain, beste zenbait leku eta gauza geratzen dira ezagutzeko, inork ez dezala zalantzarik izan horretaz.

- **Eta zerk harritu du jendea gehien bisita horietan?**

Gehienek zioten ez zutela uste Ermuak horrelako ondarea zeukanik. Iruditzen zait Ermua ezagutzera eman eta birbaloratzeko ere balio izan dutela bisitek.

- **Jendeak balorazio positiboa egin du orduan...**

Herritar askok aipatu ditate gustatu zaizkiela bisitak herriko ondarea ezagutzera ematen dutelako, eta herriko memoria galtzea eragozten dutelako. Guztiz ados nago beraiekin, baina era berean esan beharra daukat bisita horiek Bertako Bildumaren helburu bera dutela. Horregatik, Bertako Bilduma horren ikusgarria ez bada ere, kalean egon beharrean web orrian dagoelako, berau ezagutzea gomendatzen diot edonori.

Dorleta Vidal



AMAIA HARATEGIA



Bertoko Okelak

Probaleku 5
Tfnoa. 943 17 05 84

Ermua

es
egolek
electrizitatea
iluminazioa

M. de Valdespina 14 · ERMUA
943 17 00 61 · egolek@hotmail.com

Komunitateak

San Pelayo

Aholkularitza
juridikoa

Tel./Fax. 943 17 15 65 / 943 17 25 04
San Pelayo 6-A (Eroski gainean) 46 P.K. - Ermua



Telf.: 943 17 60 75

banatzaile ofiziala

- Luis Cañas familia	- Pazo Señorans	- Txakoli Akarregi
- Añada Real	- Vicente Gandía	- Milana
- Vllera taldea	- Oriol Rossell	- La Laca Juana
- Gomez Cruzado	- Astobiza txakolina	- nítida

aral@aral97.com - Pol. Ind. Goitondo Golekoa Parcela Pab. 1 - Mallabia

OUTUMURO
Kafetegia

Kafe eta tarta bereziak
Aukera handia **TE** eta **INFUSIOETAN**

Astelehenetik ostiralera 9etan zabaltzen dugu